

Ambasadori zemalja članica Upravnog odbora Vijeća za implementaciju mira pozivaju na reformu policije

“Na današnjem sastanku ambasadora Upravnog odbora Vijeća za implementaciju mira ponovo je potvrđeno da pregovori o reformi policije moraju biti završeni prije nego što BiH bude mogla početi pregovore o Sporazumu o stabilizaciji i pridruživanju sa Evropskom unijom. Vrijeme brzo prolazi za BiH ako želi to ostvariti do desete godišnjice Dejtona.

Ambasadori Upravnog odbora Vijeća za implementaciju mira su izrazili razočarenje što institucionalni pregovori nisu do sada uspjeli doći do sporazuma o reformi policije koji ispunjavaju tri principa Evropske komisije. Konstatirali su da je Evropska komisija u brojnim prilikama ponavljala tri principa prema kojima bi BiH vlasti trebalo da postignu sporazum. To su: ekskluzivne nadležnosti za policijsku legislativu i budžet moraju biti na državnom nivou, regionalna policijska područja moraju biti preoblikovana na osnovu funkcionalnih policijskih kriterija i policija mora biti oslobođena političkog uplitanja.

Ambasadori su pozvali predstavnike Republike Srpske da pokažu neophodnu fleksibilnost kada pregovori budu nastavljeni u ponedjeljak, 12. septembra, kako bi bio postignut sporazum koji poštuje ove principe. Neuspjeh u tome rezutiraće blokiranjem puta Bosne i Hercegovine ka Evropskoj uniji”, rekli su ambasadori.